

Mir mache blau – bi uns kasch pausiere!

Geschrieben von: Andy "Munster" Hermann

{tab=Sujet}

Was haisst das? Hintergedangge zum Sujet!

Wenn me bi uns in dr Glygge ummeluegt oder sich au als sälber hinterfrot, wird scho jedem emol uffgalle sy, ass me die Glyggesache mängmoll nümme eso ganz ärscht nimm. Uff die aint Syte kaa me sage, es isch numme e Hobby, denn isch es jo au Wurscht wenn mes emol e bitz loggerer nimm (was sicher au richtig isch), uff die ander Syte sinn mir laider langsam aber sicher nümme in dr tolle Situazioon, ass mer sauvyl Lüt sinn und me denn e Fähle vonere grosse Überzahl nümme wurd mergge. Im Gegedail, die Lüt wo immer kömme, hälfe und mitmache, dene stinggts denne ebben au emol. Das sowohl in organisatorischer als aber sicher au in musikalischer Hinsicht. Das alles bringt mit dr Zyt Unzfridehait und Unmuet, und ussem Ganze gits e Deufelskreis. Denn gohts los mit immer wider emoll ussloo bis zu gar nümme uftauche oder denn halt ebe pausiere. Me kas jo emol mit pausiere usprobiere, wells aim grad nümme passt, aber uffhöre oder öbbis anders mache, isch denn halt scho grad e riisen Entschaidig resp. e No-go! Uss däm Grund hänn mir ys überlegt, ass mer das Johr aifach emol jedem persönligg d Entschaidig lönn, wien er will Fasnacht mache, resp. wies am ehschte stimmt für jede. D.h. jede kaa an dr Fasnacht mache wien er will, jede lauft wenn er will, macht Pause wenn (und wie lang) er will und zieht aa, was er will – aber es muess aifach blau sy! Durch das sotte mir aigendlig alli e wunderbari Fasnacht haa und niemert het en unbequäm Goschdüm oder Larve, muess e z lange Rieme laufe oder e gruusigs z Nachtässe über sich ergoo loo. Wenns öbberem nit passt, denn kaner jo pausiere...

Dos in andere Glygge au Lüt git, wo pausiere, gänn mer dene d Möglichkait, zum bin ys mitzlaufe. Ganz spontan und ohni grossi Verpflichtige!

Uns isch es aber sehr wichtig z betoone, aass mer uff kai Fall wänn Lüt vo andere Glyggen abwärbe!!! Mer gänn das Johr aifach d Möglichkait bin ys yzstoh, mit ai, zwai glaine Bedingige:

Was muessi / darfi mache?

Mir mache blau – bi uns kasch pausiere!

Geschrieben von: Andy "Munster" Hermann

E **blau Goschdüm** azieh und an ain vo unsere [Abmarschort](#) koo!

Was muessi / darfi könne?

Pfyffe, oder drummle oder Vorträbler sy!

Was muessi / darfi beachte?

Unsere [Fasnachtsfahrplan](#) beachte, wenn mer wo sinn , damit de uns au findsch.

{tab=Mäntig}

Fasnachtsfahrplan vom Mäntig-Noomidaag

- **14.10** Abmarsch **Theodorskirche**
Mr laufe uf dr innere Route Richtig Wettstai Brugg
- **15.30** Abmarsch **Rittergass / Egge Bäumligass**
- **17.15** Abmarsch **Falknerstroos**
- **20.15** Abmarsch **Gryffegass**
- **21.30** Abmarsch **Ramstein Optik Sattelgass Richtig Münschterblatz**
- **23.00** Abmarsch **Augustinergass bim Brunne** (ohni Laddärne)

{tab=Middwuch-Noomidaag}

Fasnachtsfahrplan vom Middwuch-Noomidaag

- **14.10** Abmarsch bim **Bankverain**
Mr laufe uf dr üssere Route Richtig Wettstaiplatz

Mir mache blau – bi uns kasch pausiere!

Geschrieben von: Andy "Munster" Hermann

- **15.30** Abmarsch bim **Roma in dr Hammerstroos**
- **17.30** Abmarsch **Ochsegass / Egge Wäbergass**

{tab=Midwuch-Oobe}

Der Midwuch-Oobe

- **20.30** Abmarsch bim **Verkaufshüüsli Personeschiffahrt**
- **22.45** Abmarsch bim **Drey König / Spiegelgass** (Laddärne sueche)
- **00.15** Abmarsch Laddärne bim **Glyggekäller / Egge Rosshofgass Noodlebärg**
- **01.30** Abmarsch Laddärne bim **Schnabel**
- **02.30** Abmarsch Laddärne bim **Brune Mutz**
- **03.30** Abmarsch Laddärne bi dr **Schlüsselzunft**

{tab=Flyer aabelade}

Do kasch der Flyer mit allne Zyte aabelade ²
[bsp, Die Aagrässene Flyer – Mir mache blau](#)